

Feihyiz Guekgya Gaep: Heiqyunghgi

□ Daenggingh cingjeix



▲ Gij siengq《Sam Bouxcinsw》Heiqyunghgi.



▲ Heiqyunghgi《Gyoep Bing Hoenx Cauz Cauh》ndaej vunzlai gyaemaij.



▲ Gij siengq《Youq Dahsihhoz Raen Baz》youq Yanghgangj yienj haenx.



▲ Youq gwnz hoihmiuh yienj Heiqyunghgi.



▲ Bi 2008 youq Hanzgoz bouxyienj caeuq bouxyawj Hanzgoz hab' ingj.



▲ Bi 2010 daengz Sinhgyahboh yienj《Youq Byavujdaizsan Raen Daegbeix》.



▲ Gyoengqvunz maij Heiqyunghgi caeuq bouxyienj hab' ingj.



▲ Bouxyienj youq laengdaiz cangsiengq.



▲ Nanzningz Si Gaijfang Lu Siujyoz gyoengq hagseng iq cingq yienj Heiqyunghgi.



▲ Doengghij yiengh-siengq najveh Heiqyunghgi.



▲ Najveh Heiqyunghgi.



▲ Yienj liux le gyoengq bouxyawj Sinhgyahboh doxcanj caeuq bouxyienj hab' ingj.

Guengjsae miz seiq cungj heiq deihfueng hung, Heiqyunghgi dwg cungj ndeu. Cungj heiq neix youq Gvangsiah Nanzningz Si、Cungzcoj Si、Baksaek Si、Laizbinh Si、Gveigangj Si、Fangzcnwngzgangj Si ndawde haujlai yienh (gih) caeuq Yinznanz Swngj Funingz Si、Hozgouj Yen daengj dieg riuzcienz, caemhcai hwnghat daengz Yeznanz、Genjbujcai daengj Dunghmungz Guekgya.

Heiqyunghgi miz cozbini lai cungj lai yiengh. Ciuq gyoepsuenq mbouj caez, Heiqyunghgi gungh miz doengh cozbini cojcienz 700 lai aen, ndawde ndaej bauj ndei 418 aen.

Heiqyunghgi ndawde doengghij cozbini cojcienz hungdaeuz miz《Youq Byavujdaizsan Raen Daegbeix》《Youq Dahsihhoz Raen Baz》《Sam Bouxcinsw》《Gi Lonzyingh Ciucaen》《Bavangz Bae Mbwn》《Yangzbazcej Buen Bing》《Buhbwnroeg》《Vangzluzlangz》《Geiq Vanjhoengz》《Cinzdangzgvanh》daengj.

Gij vah gwnz daizheiq Heiqyunghgi yungh haenx dwg Vahsih-nanzgvanhva, caemhcai lij miz haujlai vahgveng ndawbiengz、sawloih、vahsug daengj gvendaengz Begvah、Vahmaxgai、Vahsengj caeuq Vahcuengh.

Doengghij najveh Heiqyunghgi bonj miz 100 lai aen, haujlai dwg aen najveh ndeu boiq "bouxvunz" ndaw heiq ndeu. Bingzciengz yungh saek ndaem、hoengz、hau、heu、henj haj cungj, mizseiz hix yungh saek lamz、mong、gim daengj. Cungj saek lawz yienh'ok gijmaz ne? It dwg gangjmingz saeknaeng, ngeih dwg yienh'ok daengdiemj "bouxvunz" ndaw heiq, caemhcai aeu neix daeuq ciuqok gij sibgveng cojcienz gyoengqvunz ranghdieng baihnanz haj goengq bya (Byayecwngz、Byaduhbangz、Byamungzcuq、Byagizdenz、Byadayiz) caeuq daengdiemj vwnzva deihfueng.

Ndaw Heiqyunghgi miz haujlai cungj ningdoengh aenndang、yienghsienq caiqlij ning fwngz、yamq din daengj, neix goekgaen dwg yiengh foux ndawbiengz、dinfwngz dwkgienz caeuq yienghsienq meijusuz ndaej gyoengqvunz Bouxcuengh、Bouxgun ranghdieng Baihsaenamz Guengjsae cungj gyaemaij haenx; mizmbangj fuengmienh daejyienh le doengghij funggek minzcuz langhhai hungrenz Bouxcuengh.

Vihliux hawj Heiqyunghgi ndaej swnjcienz caeuq hwnghat engq ndei, daj 1987 nienz haidaeuz, Nanzningz Si mizgven bumwnz guh le haujlai hong ciengjgouq. 2006 nienz, Heiqyunghgi ndaej liedhaeuq daih' it buek Gvangsiah Bouxcuengh Swcigih feihvuzciz vwnzva yizcanj mingzloeg.

2008 nienz 6 nyied 7 hauh, Heiqyunghgi ginggvaq Gozvuyen baecinj, ndaej liedhaeuq daihngaih buek guekgya gaep feihvuzciz vwnzva yizcanj mingzloeg.